

Riba e Calender di New India Assurance...

Ernesto Rosenstand personahe di April 2009

ORANJESTAD (AAN); Riba e dia di awe humanidad ta reta y celebra sentido di humor rond mundo. Tin hopi teoria cu ta duna descripcion di loke supuestamente sentido di humor lo mester ta y tambe cual lo ta su funcion social.

Wikipedia ta publica: "E arte di por expresa y aprecia loke ta humoristico den

experiencianan cognitivo cu ta provoca harimento y ofrece entretenimiento." Sentido di humor ta varia segun cultura, segun edad, segun madurez emocional-mental, segun sexo femenino o masculino, segun creencia spiritual, inteligencia, nivel social, educacion y un sin fin di aspecto mas cu lo ta

determina si hende lo por ta capas pa comparti un sonrisa y harimento den situacionnan defini. Mientras cu nos por scohe pa permiti aspectonan exterior influencia ki ora nos lo mester por hari y smile cu otro of no, tin tambe e escogencia pa bo mes dicidi si bo kier ta un sonrisa di paden bay pafo. Tur dia di nobo e oportunidad aki ta presenta su mes y realmente ta un arte pa practica humor interno di tal forma cu na prome luga bo ta scohe pa alimenta bo alma,

My alento ta weg'i letra
Simianan planta
ta crese ramifica
den creacion di palabra
cu ta sembra
pa generacionnan
cosecha

I breathe in playful epistles
Planting seeds
to sprout and reach
within creation of word
to sow
so generations
may reap



Ernesto Rosenstand - Author

mente y curason cu humor mientras cu e ora ey automaticamente lo bo bay comparti e energia aki cu bo entorno tambe. Entre hopi cualidad admirabel esaki ta un di e aspectonan cu Ernesto a desaroya ampliamente pa su mes. Mientras e ta duna un impresion di seriedad y

dignidad di un huez cu ta na punto pa dicta sentencia, den bria di su wowo bo por descubri un laman infinito di humor cu cu ta los su mes completamente for di cultura, edad y fronteranan comun cu ta encapsula mayoria hende y limita nan abilidad di disfruta y explora dimensionnan nobo den sentido di humor. Ernesto a dedica hopi tempo y pasion na yuda redefini y desaroya teatro na Aruba pa sali for di fronteranan di loke ta comun y stimula creacion di contenido original den formanan inovativo. Na principio el a enfoca pa refleha e ambiente restrospectivo romantico-nostalgico di tempo di Indjannan di Aruba, y despues el a dedica su mes na investiga y conscientisa pa loke ta trata abuso social-economico contra personan margina den nos comunidad. Mientras atrobe esaki ta zona hopi serio y Ernesto su compromiso cu su pais y su pueblo tambe ta algo cu e ta tuma masha na serio, combina cu su delicadesa natural expresa den poemanan di amor y su dosis sano di sentido di humor amplio, nos ta mira manifestacion di un joya di un ciudadano cu realmente a planta y ta sigui planta simianan yen di promesa progresivo pa siguiente generacionnan por cosecha pa por sigui alimenta balor real y alegria den nos comunidad. New India Assurance ta gradici Ernesto p'e sonrisa cu e ta crea di paden pa comparti pafo y tambe pa sirbi un funcion social asina amplio y valioso den su esfuersonan como autor y ciudadano cu ta stima su pais. E empresa di seguro ta invita Pueblo di Aruba pa refleha riba Ernesto su SoulPainting y poema cu ta aparece riba luna di april den e Calendario di Personahe, pa hunto nos scohe di alimenta nos paden cu e sonrisa cu lo carga Aruba riba halanan di alegria progresivo.

TELEFONNAN
DI DIARIO
582-6747
FAX
582-0531